

20

D. D.
DISSE^TRAT^IO,
HYPOTHESES QUASDAM,
DE
**CAUSSA ELE-
CTRICITATIS,**
PER STRINGENS,
Cujus
PARTEM PRIOREM,
Consens. Ampliſ. Facult. Philof. in Reg. Acad. Aboensi

PRÆSIDE

**MAG. ANDREA
PLANMAN,**

Phys. PROFESSORE Reg. & Ord. Reg. Acad. Scient.

Stockh. MEMBRO,

Publico examini submittit

GUSTAVUS G. POLVIANDER,

Satacundensis,

In AUDITORIO MAJORI Die VI Maji
MDCCCLXXII.

Tempore ante meridiem solito.

A B O Æ

Impressit JOHANNES CHRISTOPH. FRENCKELL.

*Amplissimo atque Celeberrimo
DOMINO PROFESSORI*

**MAG. JOHANNI
KRAFTMAN,**
PATRUI LOCO MAXIME COLENDO.

*Ut TIBI, Patrue Indulgentissime, has studiorum
meorum primitias, TUIS sumtibus prodeentes, con-
secrem, ipsa jubet æquitas. Serena itaque fronte su-
scipias illas, non ut remunerationem maximorum Tu-
ORUM beneficiorum, sed ut submissi ac gratissimi animi
tesseram. Ego vero pro TUA nec non Amitæ Caris-
simæ perenni incolumitate ac felicitate preces fundere
ardentissimas nunquam desistam; quoad vixero perman-
furus*

CELEBERRIMI NOMINIS TUI

*humillimus cultor
GUSTAVUS POLVIANDER.*



§. I.

Vix ullum phænomenon æque arctis limitibus circumscriptum esse credebatur, atque vis illa priscis Philosophis jam nota, qua electrum fricatum corpuscula leviora attrahit aut repellit. Et enim miram hanc naturæ vim non nisi soli electro competere, eruditorum singuli usque ad finem seculi decimi sexti opinati sunt; cum *Gilbertus* hujus rei periculum etiam in aliis corporibus faceret. Ex hoc tempore, indefessa naturæ curiosorum opera, magis magisque innotuit, electricitatem non vim quandam particularem efficere, quæ certis duntaxat corporibus competenter, sed quæ ad omnia corpora pertinet & per globum nostrum terraqueum diffusa habetur. Corporum itaque magis minusve electricorum discrimen non nisi in diversa illa relatione, quam corpora hæc ad vim electricam universalem habent, consistere videtur. Præterea id quoque assiduis & exquisitis experimentis debetur, quod phænomena electricitatis deprehensa sint in nexu quodam

quodam sororio cum phænomenis lucis, ignis, magnetismi, terræ motuum, variorumque meteororum; adeo ut, cognita natura electricitatis, optime explicatum iri speremus maxime insignia hæc naturæ phænomena. Hinc non mirum, si naturæ scrutatores in intimam naturam electricitatis inquirere studuerint, atque insuper præmis ad hoc sint exhortati: quemadmodum etiam factum est ab Academia Scientiarum Imperiali Petropolitana: id quod occasionem dedit Physicorum præstantissimis, JOHANNI ALBERTO EULERO, PAULO FRISO atque LAURENTIO BERAUD, in causam Physicam electricitatis inquirendi, quorum meditationes in hanc rem, anno 1755. typis evulgatas, carptim recensere ac summatim perstringere nobis proposuimus.

§. II.

In Euleriana disquisitione de causa Physica electricitatis, quæ ab Academia Petropolitana præmio coronabatur, supponitor dari materiam quandam subtilissimam, quæ ætheris nomine insigniri solet & propagando lumini inservit. Comparatione dein facta inter celeritatem luminis & soni, summa ætheris tam raritas quam elasticitas adstruitur; atque hinc ulterius colligitur, ætherem maxima vi sese expandendi esse præditum, adeo ut, si uspiam detur spatiū, æthere vel prorsus vacuum vel saltem extenuatum, in id ætheri vicinus, quatenus ipsi aditus conceditur, summa vi irruat; unde non possunt non insig-

insignia exoriri phænomena. Originem itaque omnium phænomenorum electricorum a sublato æquilibrio, in statu ætheris, derivandam censet Cels. EULERUS. Sed qui fit, ut spatium usquam ætheree privetur, ejusve æquilibrium tollatur? annon æther, ob maximam, qua pollet raritatem, omnia corpora eorumque poros etiam quam minimos liberime permeat? si hoc concedatur: æquilibrium ætheris minime turbabitur. Ad expediendum hunc nodum, supponit EULERUS dari corpora, quorum pori sunt minus patentes, in quibus ætheris particulae ita includuntur, ut difficillime se ex iis extricare possint; dum ex adverso corpora, poris magis patentibus prædita, ætheri liberum transitum permittunt. Sublato itaque æquilibrio ætheris externi a caufsa quacunque, idem eo tardius citiusve restituetur, quo magis minusve ætheris tenaces fuerint pori corporis vicini. His præmissis, Theoriam electricitatis ita expedit: corpus tum redditur electricum, cum ex ejus poris, æther ex parte saltem fuerit expulsus; sive electricitas in privatione vel diminutione ætheris, quo pori in statu naturali repleti esse solent, consistit. Corpus igitur tamdiu electricum manebit, usquedum æther, e corporibus circumiacentibus sese expediens, illam jacturam compensaverit, æquilibriumque in ætheris vi elasticæ sic fuerit restitutum. E contrario vero, ea corpora electricitate destituta sunt censenda, in quorum poris æther inclusus, cum reliquo æthere undequaque circumfuso, æquali pollet elasticitate, sive perfe-

Cum subsistit æquilibrium. Constituto deinceps discrimine corporum, respectu electricitatis primitivæ & derivativæ, in ratione pororum; ita ut corpora, quorum pori sunt ætheris maxime tenaces, ad genus primitivæ: at quæ poris ætheri perviis sunt prædita, ad genus derivativæ electricitatis sint referenda; excitatio electricitatis in vitro explicatur, ut sequitur: dum tubus vel globus vitreus, in gyrum actus, fricatur, ejus pori primum comprimuntur, ætherque in iis contentus in aërem expellitur; cespante autem compressione, pori vi elasticitatis, pristinum statum recuperant. Cumque æther partim jam est dissipatus, partim ob pororum vitri structaram ab ingressu arcetur, pori nunc minori ætheris copia gaudebunt: continuata itaque frictione, hæc diminutio augebitur, donec vitrum eo usque æthere spolietur, ut evidentia electricitatis signa exhibeat. Si autem globum, cum in gyrum agatur atque fricitur, trabs ferrea, a chordis sericis sustentata, per fibras metallicas contingat; æther sensim ex trabe, in vitro poros vacuos subiturus, extrahitur, quæ sic eo majorem acquirit vim electricam, quo minor ætheris copia vitro aliunde atque in primis e fulcimento accesserit. Hinc si ad trabem hanc vel corpus quocunque sic electrificatum, admoveatur aliud corpus, poris patentibus præditum ætherque plenum, æther maxima vi, ex hoc corpore in illud irruet, quia neque in egressu neque in ingressu impeditur, hacque vehementi eruptione cum lux, tum etiam flamma, si materia adsit combustibilis,

bilis, excitabitur; ætherque per aërem ruens, concusione particularum aërearum sonum ac fragorem reddit. Atque his in primis principiis nititur Theoria electricitatis Euleriana.

§. III.

Quod ad Theoriam electricitatis PAULI FRI-
SII, in Pisana Universitate Professoris, adtinet; ista
quoque deducitur a motu ætheris ceu fluidi tenuis-
simi, agitatissimi & maxime elastici. Triplicem au-
tem auctor in æthere supponit motum: videlicet
perturbatissimum, per quem ignem haberi, & vi-
bratorium, in quo lumen, nec non translatitium,
in quo electricitatem consistere contendit. Atque
hinc ulterius infert: quod in aëre est sonus, in æ-
there erit lux, & quod ventus in aëre est, in æ-
there erit electricitas. Motum autem translatitium
ætheris seu ventum, quo portio ætheris transfertur
de loco in locum, derivandum esse censet ex par-
tium minimarum, in corporibus idioëlectricis, mo-
tu tremulo & vibratorio, qui per operationes elec-
tricas producitur; adeo ut æther, in interstitiis vi-
brantium particularum contentus, erumpat & efflu-
at. Utque continuatus ventus electricus haberi pos-
sit; supponitur ulterius, corpora ex origine electri-
ca æthere abundare. Hinc duo requisita tribuun-
tur corporibus, quæ ex origine sunt electrica: nem-
pe ut maximam copiam ætheris in se contineant,
atque ad vibrandum sint maxime apta. Ubi alter-
utrum

utrum deficit, ibi quoque originariam electricitatem deficere putat auctor. Præterea contendit, corpora ex origine electrica gaudere poris minus communicantibus, quo sic melius copiam ætheris majorem retineant atque exterioris ætheris afflum impedian; dum ex adverso corpora derivative electrica, quæ minorem ætheris copiam in se continent, poris absorbentibus & magis communicantibus sunt prædita, in quibus æther facilius, facta electrificatione, accumulabitur. Hinc excitationem electricitatis, quæ sit fricando sphæram vitream circumactam & solito apparatu ornatam, ita exponit FRISIUS, ac si æther ex confricata vitri superficie expelleretur, atque maxima velocitate conductorem ingrederetur, nec non in illo alte accumularetur, defectus autem ætheris, in vitro sic oriundus, a corporibus aliis circumstantibus successive resarciretur. Quæ cæteroquin promiscue adducuntur, de intimis corporum texturis, partiumque figuris, atque de explicandis electricis attractionibus nec non repulsionibus, & quæ id genus reliqua sunt; ista omnia ejus fere sunt indolis, ut vix operæ pretium erit, animum ad ea attendisse.

§. IV.

Restat igitur recensenda Theoria electricitatis LAURENTII BERAUD, in Collegio Lugdunensi in Gallia Mathem. Professoris, id quod eo brevius fiat, quo magis hæc Theoria in præcipuis partibus, cum alla-

allatis in primis *Frisianis* principiis congruit. Addimus solum, ceu potiora momenta a Celeb. BERAUD insuper prolata; scilicet quod caussam Mechanicam elasticitatis, qua æther pollet, in vorticibus *Malebrancheanis* ponat; quodque corporum per communicationem electricorum pori, qui hic etiam ampliores ponuntur poris corporum per se electricorum, præter materiam ætheream, contineant quoque aërem & alia fluida crassiora, in aëre disseminata. Cæterum vis electricæ excitationem, ejusque communicationem eodem fere modo explicat, ac Cel. FRISIUS explicavit.

§. V.

Quæ circa allatas Theorias observanda sunt; paucis jam expedire licet. Nihil enim refert, singula, quæ in illis occurrunt, sigillatim perstringere; cum vel unicum, in quo cardo rei vertitur, perstrinxisse satis erit. In Theoriis hisce id itaque maxime dignum notatu occurrit, quod auctores in explicanda electricitatis excitatione differunt; in primis cum in hac re quoque discrepant: etenim a Celeb. EULERO supponitur, quod æther ex poris vitri fricati in aërem expellatur, atque e conductore ad vitrum iterum adfluat, defectum hujus materiae ibi suppleturus. At Celeb. FRISIUS atque BERAUD materiam ætheream, e poris vitri depulsam, ad conductorem deferri ibique alte accumulari contendunt. Utra harum explicationum naturæ rei magis

conveniat, operæ pretium non est inquirere; cum de-
tur experimentum, materiam electricam aliunde,
quam ex poris vitri, derivandam jubens, quod, ab Il-
lustrissimo KLINGENSTJERNA (vide Ejus *Tal om de-
nyaste rön vid Electriciteten, hållit för Kongl. Vet. Acad.*
1755.) prolatum, ita se habet: si machina electri-
ca, una cum homine electricitatem excitante, cor-
poribus non propagantibus insistat, nullum electrici-
tatis indicium observabitur in sphæra, quantumcum-
que ista perfricetur; at quam primum electricitatis
excitator suppedaneum hocce deseruerit, commu-
nicatione sic cum terra restituta, electricitas illico
excitabitur. Patet itaque communicationem inter
sphæram & terram esse necessariam ad electricitatis
procreationem; unde probabiliter colligere licet,
quod vis electrica, inter fricandum, ex terra eliciatur
ad sphæram, atque hinc ad alia corpora diffun-
datur: quamvis modus, quo hoc fiat, nobis omni-
no lateat. Quo jure igitur vis electrica, in hypo-
thesibus allatis, e poris vitri fricati derivetur, cui-
que hinc facile patescit. Quæ vero Celeb. FRISIUS
atque BERAUD de corporum poris, particularum
corpus constituentium figuris & vibrationibus, ma-
teriæ æthereæ vorticibus & quæ id genus reliqua
sunt, insuper attulerint, ea ita exposuisse haud im-
merito censendi sunt, ut fere nihil præter fidem de-
sideraveris.

§ VI.

De cætero ingenuæ fateamur, caussam electri-
cita-

citatis etjamnum ignorari: in materia tamen maxime subtili & elastica eam querendam esse, singula phænomena electrica omnium consensu exigere videntur; de interna autem hujus materiæ qualitate & natura nihil certi nobis constat. Qui itaque illum per ætherem vel materiam ignis explicare co- nantur; ignotum per magis ignotum explicant, omniumque maxime rem offuscant, qui materiæ elec- tricæ resolutionem chemicam temerario ausu tra- dere conantur: atque hypotheses sic fingendo & ex- perimenta ad istas confirmandas detorquendo, sci- entiæ incrementis pessime consulunt. Ut autem a penitiori hujus materiæ analysis adhuc sumus quam longissime remoti; ita omnis ponenda erit opera in phænomenis rite examinandis atque inter se com- parandis. Hæc enim est unica ista via, qua The- oria electricitatis perficietur &, nisi ad penitorem caussæ cognitionem nobis unquam liceat perveni- re, dabitur tamen nobis leges detegere universa- les, ad quas naturæ operationes fiunt; unde dein- ceps certius judicare licebit de phænomenis in quo- vis casu particulari oriundis, nec non de interiori isto nexu, quo maxime insignia naturæ phæno- mena jurguntur.

